



Ullormik pinngortitamut qujamasuffimmik atulersitsinissaq pillugu Naalakkersuisut peqquneqarnissaannik Inatsisartunut aalajangiiffigisassatut siunnersuut.

(Inatsisartunut ilaasortaq Mimi Karlsen, Inuit Ataqtigiit)

(Siullermeerneqarnera)

Aallaqqaammut Inatsisartunut ilaasortaq Mimi Karlsen qutsavigerusuppara periarfissimmaga manna siunnersuutaa pillugu Demokraatit isumaannik saqqummiusseqqinnissatsinnut.

Ukiup ingerlanerani ullunik freerfipassuaqarpugut. Ilaatigut Inuit Ataqtigiillu ullut suliffeqanngiffiusut ilaniarpaat taallugu pinngortitamut qujamasuffittut. Inuit Ataqtigiinnilli oqaatiginngilaat ulloq taanna sulinnigiffissaq qanoq aningaasalersorneqassanersoq, tamannalu isorinnigitsuugassaangilaq. Ullummi freerfiit ilanerat aningaasarpassuarnik akeqartussaavoq, inuiaqtigiit tunisassiornerat eqqarsaatigalugu akisussaaq aammalu inuutissarsiortunut akikitsuinnaasussaangilaq. Taamaattumik isumaqarpugut siunnersuut piviusorsiunngitsoq.

Siunnersuuteqartup nammineerluni aamma oqaatigaa nalliuttut amerlaqisut aammalu inuiaqtigiinni ullut sulinnigiffeqarfiusut. Ullullu taakku ilaneqassappata isumaqarpugut ullut freerfioreersut arlaat atorneqassasoq. Inuit Ataqtigiit oqaatiginngilaat, qanoq iliorluni ullut freerfiit ilaneqarnissaat takorloorneqarnersoq.

Taamatulli oqareerluta siunnersuutip pissutissaqartilerpaatigut oqallisigissallugu sulinnigiffeqartarnerput qanoq aaqqissuuttariaqarneripput. Ullut freerfigut amerlaqisut kristumiussutsimik tunngaveqarput aammalu ullut allat eqqarsaatigalugit nunat allamiut feeriararnerat atuliinnarnikuuarput, tamatumunngalu sapaatip akunnerisa 42-anni ukiakkut sulinnigiffeqartarneq assersuutissatsialaavoq. Sooq atuartut ukiakkut atuannigiffeqartarnerat aavarfiup nalaani pisassanngila? Apeqqut taannarpiaq siusinnerusukkut saqqummiutereernikuuara aalajangiiffissatut siunnersuutip allap oqallisigineranut atatillugu - feeriararnerput aaqqissuunnerlutaavoq. Uagutsinnut inuiaqtigiinnut tulluussarnikuunngilarput. Pinngortitamut qujamasussagutta, taava meeqqat atuannigiffeqartarnerat piniarnerup nalaanut inissittariaqarparput angajoqqaat, aataakkut aanaakkullu periarfissikkumallugit pinngortitaq pillugu ilinniartitsisalnissaannut aamma pinngortitap inuiaqtigiinnut qanoq isumaqarnera pillugu inuiaqtigiit tamaasa akiliisinngikkaluarlugit.

Eqqaamassavarput allani aaqqissuussisimanerit ilaaginnartariaqannginnatsigit. Kiffaanngissuseqarpugut sulinnigiffeqartarnitta eqqarsaatigilluarnissaanut taamatullu nalliuttorsiortarnitta kiffaanngissuserlu tamanna atorluartariaqaraluarparput.

Kisianni siunnersuut uterfigissagukku oqaatigissavarput siunnesuut itigartilluinnarlugu.